



## ATAS OFISIAL DI RUNION ORGANIZASIONAL ANUAL VIRTUAL DI KOMITÊ DI SKOLAS DI BOSTON

**3 di Janeru di 2022**

Komitê di Skolas di Boston realiza un runion organizasional anual na dia 3 di janeru di 2022, 5 óra di tardi na Zoom. Pa más informason sobri kalker un di kes itens indikadu dibaxu, konsulta [www.bostonpublicschools.org/schoolcommittee](http://www.bostonpublicschools.org/schoolcommittee), ô manda un email pa [feedback@bostonpublicschools.org](mailto:feedback@bostonpublicschools.org) ô txoma pa Skritório di Komitê di Skolas di Boston pa (617) 635-9014.

### PRIZENSA

Menbrus di kumitê di skola: Presidenti Jeri Robinson i Vise Presidenti Michael O'Neill; Lorena Lopera; Rafaela Polanco Garcia; Quoc Tran; i representanti di Alunus Xyra Mercer.

Tudu menbrus di komitê di skolas staba prizenti na runion.

### DUKUMENTOS APRESENTADUS

[Agenda](#)

[Kalendário di runions di 2022](#)

### RUNION STA BEN KOMENSA

Presidenti Robinson, anunsia ma runion sta ben komensa. Sra. Sullivan lê nomi di menbrus. Tudu menbrus staba prizenti. Sra. Robinson fra ki runion di oji noti staba ta ser transmitidu ao vivo na Zoom. I ki el ta serba retransmitidu na TV di Sidadi di Boston i el ta serba tanbé kolokadu na [bostonpublicschools.org/schoolcommittee](http://bostonpublicschools.org/schoolcommittee) i na YouTube. El anunsia ki servisu di interpretason simultaniu staba dispunivel na Spanhol, Vietnamese, Kabuverianu, Kriolu di Haiti, Xinês cantones, Xinês mandarim, i na Lingua Gestual Merkanu (ASL); kada interprete introduzi ses kabesas i es fla kes prizentis na ses propi lingua, modi ki es podia troka kanal na Zoom pa es pode assesa interpretason simultaniu. Dokumentus pa runion foi traduzidu na kes 9 linguas ofisial i kolokadu publikamenti na [www.bostonpublicschools.org/schoolcommittee](http://www.bostonpublicschools.org/schoolcommittee).

Sra. Robinson anunsia ki mandatos di Dr. Hardin Coleman i Ernani DeAraujo kaduka oji i ki ninhun des ka sta djobi un novu designason. El agradese-s pa ses servisu i konprumisu pa distrito. El fra ma Skritório di prefeitura informa-l ki nomeason di Presidenti di Kamara Wu pa

3 di Janeru di 2022

Komitê di Skola foi adiadu dividu a resposta di sidadi pa aumentu resenti di pandemia di COVID en andamentu. Presidenti di Kamara Wu, sta spera faze se nomeason na futuro proximo.

## KALENDÁRIO DI RUNIONS DI 2022

**Aprovado** - Atraves di xamada di menbrus, Komitê di Skola aprova unanimamenti kalendário di datas di runion di 2022 konformi aprezentado.

## ELEISON DI OFISIAIS

Sra. Robinson emiti un konvokatoria di nomeasons pa kargu di presidenti pa ano sivil 2022. Sr. Tran nomea Jeri Robinson. Sra. Lopera konkorda ku Sr. Tran.

**Aprovado** – Atraves di xamada di menbrus, komitê vota unamimamenti pa fitxa nomeason pa presidenti.

**Aprovado** – Atraves di xamada di menbrus, komitê vota unamimamenti pa skodji Sra. Jeri Robinson komu presidenti di Komitê di Skolas di Boston pa ano sivil 2022. Sra. Robinson agradesi Komitê pa kunfia-l privilejiu di lidera Komitê.

Sra. Robinson emiti un konvokatoria di nomeasons pa kargu di vise presidenti pa ano sivil di 2022. Sr. Tran nomia Michael O’Neill. Sra. Lopera konkorda ku Sr. Tran

**Aprovado** – Atraves di xamada di menbrus, komitê vota unamimamenti pa fitxa nomeason pa presidenti.

**Aprovado** – Atraves di xamada di menbrus, komitê vota unamimamenti pa skodji Sr. O’Neill komu vise presidenti di Komitê di Skolas di Boston pa ano sivil 2022. Sr. O’Neill spresa se apoio pa Presidenti Robinson i el fla ma el ta spera enfrenta trabadju disafiador ki sta pa frenti.

Sr. Tran felisita Sra. Polanco Garcia i Lopera na ses renomeason pa komitê i agradesese-s pa ses koninuo dispuzison di sirbi.

## FIN DI RUNION

Por volta di 17:23 di tardi, komitê vota unanimamenti, atraves di xamada di nomis, pa konklui runion.

Atesta:



Elizabeth Sullivan  
Sekretária Izekutiva